

# 庶物類纂

木屬  
自三十四至三十六

容

第百七十三函

太政官文庫			
特別	和書門	三三六二	類
第百七十三	函	號	類
四六五	册	架	函

共十五

內閣文庫			
番號	和	32362	
冊數	465 (396)		
函號	特	54	1

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak



皇朝通志



庶物類纂木屬卷之三十四目次

菩提樹


木槵

木欒

庶物類纂

卷之三十四

木屬目次



菩提樹



庶物類考 卷三十四

木屬 菩提樹 一

菩提樹

菩提樹舊惟東岬有之相傳謂西天梵僧遊化於此人得飯之乃遺報此種今山寺頗皆接得樹如栴花亦大同未結蕊先乃別抽一葉長指半許闊兩指色白而光潤乃結蕊於葉下日則覆子以蔽穢夜則捧子以承露秋社後取子爲珠十百中必有一二如羅漢者謂之佛頭他處所產則無之若西天佛菩提樹智藥三藏移植於廣州光孝寺者其樹不花不實經冬不凋葉之筋脉細緻如絹廣人每用此爲燈爲花

為蟬蟲之翼則與此大不相類余謂樹無定名以實  
建名菩提梵語此稱為覺佛於樹下得成正覺故稱  
樹為菩提今以此珠令人念佛佛稱為覺所念既覺  
念者亦覺成不二覺即大菩提樹稱菩提宜矣又校  
量數珠功德經明言菩提子比穗子蓮子等功德最  
多則菩提有子明矣天台山方外志

謹按唐段成式酉陽雜俎云菩提樹出摩伽陀國  
在摩訶菩提寺蓋釋迦如來成道時樹一名思惟  
樹莖幹黃白枝葉青翠經冬不凋至佛入滅日變

色凋落過已還生至此且國主人民大作佛事收  
葉而歸以為瑞也樹高四百尺已下有銀塔周迴  
繞之彼國人四時常焚香散花繞樹作禮唐貞觀  
中頻遣使往於寺設供并施架梁至顯慶五年於  
寺立碑以紀聖德此樹梵名有二一日賓椽黎一日  
黎力义二日阿溼曷毗婆一日力义西域記謂之  
卑鉢羅以佛於其下成道即以道為稱故號菩提  
婆一日力义漢翻為樹昔中天無憂王剪伐之令  
事火婆羅門積薪焚焉熾焰中忽生兩樹無憂王

因懺悔號灰菩提樹遂周以石垣至賞設迦至日  
王復掘之至泉其根不絕坑火焚之溉以甘蔗汁  
欲其焦爛後摩竭阇國滿曹王無憂之曾孫也乃  
以千牛乳澆之信宿樹生如舊更增石垣高二丈  
四尺玄奘至西域見樹出垣上二丈餘廣東通志  
云菩提樹種出西域大可數圍風搖其葉若雨驟  
至梁天監元年僧智藥三藏自西竺國持菩提一  
株航海而來植于廣州光孝寺戒壇之前迄今千  
餘年茂盛不改肇慶府志云菩提樹聖僧攜來自

天竺始於廣州訶林今端郡寺院皆有葉紗可作  
燈爲淨供泉州府志云菩提樹卽佛經所謂菩提  
其子用爲念珠郡城承天寺大庭一株今爲客兵  
燬寺樹滅聞書云菩提樹卽佛經所謂菩提其子  
用爲念珠泉州舊志城中承天寺一株大十餘圍  
高數十丈葉畧如梨葉而大秋深葉茂郡人翦取  
用灰水浸去浮皮其脂輕透如紗染紺色爲燈極  
鮮明可賞曰梧桐燈

木楛

一名桓山海經 一名無患中華古今註 一名拾樞鬼


木同上 一名噤婁酉陽雜俎續集 一名肥珠子本草綱目 一

名油珠子同上 一名菩提子同上 一名鬼見愁同上

一名慮鬼木同上 一名墨圓子八閩通志 一名苦珠

子廣西通志





木櫬

木患子陳藏器云有小毒主澣垢去面疔喉閉飛尸  
研內喉中立開子中仁燒令香辟邪惡氣子黑如漆  
珠子深山大樹一名噤婁一名桓桓患字聲訛也博  
物志云桓葉似柳子核堅正黑可作香纓用辟惡氣  
浣垢古今注云程雅問木曰無患何也答曰昔有神  
巫曰瑤眊能符効百鬼得鬼則以此木為棒殺之  
世人相謹按相下以為器用厭鬼故曰無患也纂文  
云無患名噤婁實好去垢今僧家貫之為念珠紅底


為也 宋唐慎微 證類本草

無患子今釋子取以為念珠出佛經惟取紫紅色小者佳今入藥絕少西洛亦有之 宋寇宗奭 本草衍義

無患子俗名為鬼見愁道家禳解方中用之緣此義也釋家取為數珠故謂之菩提子與薏苡同名纂文言其木名盧鬼木山人呼為肥珠子油珠子因其實如肥油而子圓如珠也 明李東璧 本草綱目

無患子生高山中樹甚高大枝葉皆如椿特其葉對生五六月開白花結實大如彈丸狀如銀杏及苦楝

子生青熟黃老則文皺黃時肥如油煤之形味辛氣臚且硬其蒂下有二小子相黏承之實中一核堅黑似肥阜莢之核而正圓如珠殼中有仁如榛子仁亦辛臚可炒食十月采實煮熟去核擣和麥麩或豆麩作澡藥去垢同於肥阜用洗真珠甚妙山海經云袞周之山其木多桓郭璞注云葉似柳皮黃不錯子似棟著酒中飲之辟惡氣浣之去垢核堅正黑即此也今武當山中出鬼見愁亦是樹莢之子其形正如刀豆子而色褐彼人亦以穿數珠別又是一物非無



患也 同上


李氏曰無患子生深山中樹極高大枝葉皆如椿特其葉對生為異五六月開白花結實大如彈丸若川練子生青熟黃老則文皺實中核黑如肥阜莢之核正圓如珠殼中有仁如榛子仁亦辛甘可炒食十月采實去核煮熟搗和麥麩作滌垢藥濕洗身面同于肥阜莢也寇氏曰今釋子取核貫眼穿作念珠初用紫黑用久則光黑如漆也 明倪朱謨本草彙言  
無患子莢 即核外肉也 搗爛滾湯調稠糊搽面野雀斑搗

汁和百湯服治喉痺開咽竅 同上

秩笥之山其上多松柏机桓 中山經

桓葉似柳皮黃不子似棟著酒中飲之辟惡氣浣衣去垢核堅正黑可以間香纓一名括樓也 晉郭璞山海經傳

程雅問拾樞鬼木曰無患何也荅曰昔有神巫曰寶 一本實 眊能符劾百鬼得鬼則以此為棒殺之世人相傳以此木為眾鬼所畏競取為器用以却厭邪鬼故號曰無患也 晉崔豹中華古今註



無患木燒之極香辟惡氣一名噤婁一名桓昔有神  
巫曰瑶胎能符効百鬼擒魘魅以無患木擊殺之世  
人競取此木為器用卻鬼因曰無患木唐段成式酉陽雜俎續集  
橄欖閩蜀俱有之閩中丁香一品極小雋永其味勝  
於蜀產家君嘗手植核于小圃伺其萌茁再歲而樹  
壯畏霜覆以屋又三歲高二丈許始實初如菘豆凡  
兩月漸大有墮地者視之木穗子也皮可洗衣功不  
讓阜角核則人以為念珠者嗚呼地土風氣之能移  
物性如是耶橘踰淮而北為枳鸚鵡不踰濟貉踰汶

則死地氣使然無足多怪宋張世南游宦紀聞

木穗俗呼其實為墨圓子八閩通志

木穗葉如橄欖而小實可以浣衣子可貫為數珠佛

經云貫木穗木一百八箇是也福州府志

無患子青翠可製念珠皮老多膠滌洗甚良木堅黑

罕作宮室用肇慶府志

木穗葉如橄欖而小實可浣垢今釋子多取其子為

手珠本草謂之無患子俗呼墨圓子閩書

謹按八閩通志無俗呼墨圓子五字

黑員子即無患子也葉似柳子黑如漆可為念珠興化

府志

無患俗名苦珠子可去垢廣西通志

姚安軍民府土產木樨子俗呼菩提子圓淨勝他產

清蔡方炳增訂廣輿記

菩提樹一名無患子產自南海今武當山亦有之花如冠蕤葉似冬青而稍尖長實似枇杷稍長大味甘色青而香核堅黑可燻食亦可作念珠俗名鬼見愁以其能辟邪惡也前朝皇太后曾種二株於內宮清陳

誤子秘傳花鏡

禁婁無患子也○今以為患子念珠分銅患鐵患言其色也崔豹言此木厭鬼故曰無患時珍以為即菩提子然今菩提子與患為二物蓋薏苡珠也薏苡一名薏珠其仁曰解蠶其苗曰芑有一種稷穢者止可為念珠即今菩提子矣又有番菩提則車旋枕椰子雞心檳榔而名之耳元豐九域志象州歲貢樨子念珠十串成式續集曰淫耗用此木制鬼升菴引作瑤耗本草作耗國此以聲譯耳大理府有念珠樹每穗

庶物類纂 卷三十四


實百八枚

清方以智通雅

木藥

庶物類纂 卷三十四

木屬 木藥 一



木欒

欒華唐本注云此樹葉似木槿而薄細花黃似槐而  
 小長大子殼似酸漿其中有實如熟豌豆圓黑堅硬  
 堪為數珠者是也五月六月花可收南人取合黃連  
 作煎療目赤爛大効花以染黃色甚鮮好嘉祐補註本草  
 欒華生漢中川谷今南方及都下園圃中或有之葉  
 似木槿而薄細花黃似槐而稍長大子殼似酸漿其  
 中有實如熟豌豆圓黑堅堪為數珠者五月採其花  
 亦可染黃南人取以合黃連作煎療目赤爛甚効本草

圖經

藥華今長安山中亦有其子即謂之木藥子攜至京  
都為數珠未見其入藥宋冠宗爽本草衍義

木藥樹生密縣山谷中樹高丈餘葉似棟葉而寬大  
稍薄開淡黃花結薄殼中有子大如豌豆烏黑色人  
多摘取串作數珠葉味淡甜救饑採嫩芽葉燻熟換  
水浸淘淨油鹽調食明徐光啓農政全書

別錄曰藥華生漢中川谷此樹葉似木槿而薄花細  
黃似槐而稍大結子似酸漿其殼中有仁如熟豌豆

圓黑堅硬堪為數珠五六月作花可收以染黃色甚

鮮明蘇氏曰今南方及汴浙園圃間或有植之其用

為念珠未見入藥明倪朱謨本草彙言

藥有一種樹生其實可作數珠者謂之木藥即本草

藥花是也叢生可為杖拄者謂之木藥又名黃荆即

本草牡荊是也此兩種之外唐人補本草又有藥荊

一條遂與一藥相亂藥花出神農正經牡荊見於前

漢郊祀志從來甚久藥荊特出唐人新附自是一物

非古人所謂藥也宋沈存中補筆談



庶物類纂  
卷三十四

庶物類纂木屬卷之三十五目次

櫟 總

栲 櫟

柞 櫟

大葉 櫟

庶物類纂  
卷三十五

木屬目次

庶  
物  
類  
纂  
卷  
三  
五

庶  
物  
類  
纂  
卷  
三  
五

標

木  
屬  
標

櫟

栩 栩 爾雅曰 栩香羽 切 栩省 汝切

柞 柞 晉郭璞 爾雅註

柞 柞 一名 柞 郭云 柞樹 詩唐風云 集于苞柞 陸璣疏云

今柞櫟也 徐州人謂櫟為柞 或謂之為柞 其子為阜

或言阜斗 其殼為汁 可以滌阜 今京洛及河內言柞

汁 謂櫟為柞 五方通語也 宋邢昺 爾雅疏

柞 柞 柞木 今人以為梳 宋鄭夾滌 爾雅註

謹按 柞櫟之柞 與作梳之柞木 自是兩種 鄭氏此

註誤矣

櫟其實櫟爾雅○

有櫟彙自裹爾雅璞

櫟似樗之木也櫟盛實之房也孫炎曰櫟實櫟也郭

云有櫟彙自裹詩秦風云山有苞櫟陸璣疏云秦人

謂柞櫟為櫟河內人謂木蓼為櫟椒椒之屬也其子

房生為櫟木蓼子亦房生故說者或曰柞櫟或曰木

蓼璣以為此秦詩也宜從其方土之言柞櫟是也宋

馬爾雅疏

櫟其實櫟亦謂之櫟一名阜斗其實作櫟音求似栗

毬而小宋鄭夾滌爾雅註

櫟實味苦微温無毒主下痢厚腸胃肥健人其殼為

散及煮汁服亦主痢并堪滌用一名枵斗櫟皆有

斗以櫟為勝所在山谷中皆有唐本先附○

臣禹錫等謹按爾雅云枵枵釋曰枵一名枵郭云柞

樹詩唐風云集于苞枵陸璣云今柞櫟也徐州人謂

櫟為枵或謂為枵其子為阜或言阜斗其殼為汁可

以滌阜今京洛及河內言枵斗謂櫟為枵五方通語

也嘉祐補註本草

橡實、櫟木子也。本經不載。所出州土云。所有山谷皆有。今亦然。木高二三丈。三四月開。黃花。八九月結實。其實為阜斗。榭櫟皆有斗。而以櫟為勝。不拘時採。其皮并實用。爾雅云。櫟其實。林釋曰。櫟似檉之木也。林盛實之房也。其實橡也。有栳彙自裏。詩秦風云。山有苞櫟。陸璣云。秦人謂柞櫟為櫟。又唐風云。集于苞柞。陸璣云。今柞櫟也。徐州人謂櫟為柞。或謂之柞。今京洛及河內謂櫟亦為柞。五方通語也。然則柞櫟也。柞

也。柞也。皆橡櫟之通名也。本草圖經

孫真人枕中記云。橡子非果。非穀。而最益人。服食未

能斷穀。啖之尤佳。無氣而受氣。無味而受味。消食止

痢。令人強健。不極。宋唐慎微證類本草

橡實。櫟木子也。葉如栗葉。在處有。但堅而不可充材。亦木之性也。山中以搗仁為糧。然澀腸。木善為炭。他木皆不及。其殼堪染皂。若曾經雨水者。其色淡。不若不經雨水者。榭亦有殼。但小而不及。櫟木所實者。宋寇

宗奭本草衍義

橡子樹本草橡實歷音木子也葉似栗葉而大開黃

花其實橡也音有林彙音自裹其殼即橡斗也橡實味

苦澀性微温無毒其殼斗可染皂救饑採取子換水

浸煮十五次淘去澀味音極熟食之厚腸胃肥健人

不饑明周憲王救荒本草

櫟柞木也實名橡斗音謂其斗刻刻象斗可以染

皂也南人呼皂如柞音相近也明李東璧本草綱目

櫟有二種一種不結實者其名曰械其木心赤詩云

瑟彼柞械是也一種結實者其名曰栩其實為橡二

者樹小則聳枝大則偃蹇其葉如櫛葉而文理皆斜

句四五月開花如栗花黃色結實如荔枝核而有尖

其蒂有斗包其半截其仁如老蓮肉山人儉歲采以

為飯或搗浸取粉食豐年可以肥豬北人亦種之其

木高二三丈堅實而重有斑文點點大者可作柱棟

小者可為薪炭周禮職方氏山林宜皂物柞栗之屬

即此也其嫩葉可煎飲代茶同上

李氏曰橡實櫟木子也櫟有二種一種不結實者其

名曰械其木心赤詩云瑟彼柞械是也一種結實者

其名曰栩其實為橡二者樹小則聳枝大則偃蹇其葉如楮葉而文理皆斜句四五月開花黃色結實如栗而圓其蒂有斗包其半截其仁如老蓮肉山人儉歲采肉浸去苦味搗粉蒸食可以充饑豐年煮熟可以肥豬北人亦種植其木高二三丈堅實而重有斑文點點大者可以作棟柱小者可以作薪炭周禮職方氏山林宜阜物柞栗之屬即此也霜後收采其嫩葉泡湯可以充茶明倪朱謨本草彙言柞爾雅曰栩杼郭璞注曰柞樹俗人呼杼為橡子以

橡殼為杼斗以剡剡似斗明徐光啓農政全書

齊民要術曰宜於山阜之曲三徧熟耕漫散橡子即

再勞之生則薈治常令淨潔一定不移十年中橡可

雜用一根值十文二十歲中屋樽一根值百錢柴在外斫去尋

生料理還復同上

玄扈先生曰橡子儉歲可以為飯豐年牧豬食之可

以致肥同上

橡子樹本草橡實標木子也其殼一名杼斗所在山谷有之木高二三丈葉似栗葉而大開黃花其實橡

也有秣彙自裹其殼即椽斗也椽實味苦澀性微温  
無毒其殼斗可染皂救飢取子換水浸煮十五次淘  
去澀味烝極熟食之厚腸胃肥健人不飢同上

玄扈先生曰食麥椽令人健行同上

又曰取子碾或舂或磨細水淘去苦味次淘取粗查  
飼豕甚充腸淘取細粉如製真粉天花粉法與粟粉  
不異也凡木實草根去惡味取淨粉法並同上

椽阜斗也其狀似粟漢高誘呂氏春秋解

周處風土記云史記曰舜耕於歷山而始寧剡二縣

界上舜所耕田在於山下多柞樹吳越之間名柞為

櫟故曰歷山後魏賈思勰齊民要術

栲葉似櫟木皮厚數寸可為車輻或謂之栲櫟許慎  
正以栲讀為稷今人言栲失其聲耳唐陸璣毛詩草木鳥獸蟲魚疏

謹按陸疏廣要云許慎讀栲為稷應作稷讀丘上  
聲故與柞叶南山有臺亦與柞叶

柞今柞櫟也徐州人謂櫟為柞或謂之為柞其子為  
阜或言阜斗其殼為汁可以染皂今京洛及河內多  
言柞斗或云椽斗謂櫟為柞五方通語也同上



苞櫟秦人謂柞為櫟河內人謂木蓼為櫟椒檉之屬也其子房生為椹木蓼子亦房生同上謹按櫟有二種一種栲櫟葉似栗葉邊有鋸齒木皮粗厚實形圓如小栗有椹彙裹其半爾雅櫟其實椹本草椹子是也一種柞櫟葉似栲櫟葉而本狹末麥經霜赤其實形大小如榛子亦有斗自裹其斗惟有細文不如栲櫟之椹彙有利芒爾雅栲杼是也二木差不同陸元恪詩疏開載栲櫟柞櫟二條其說頗明諸家釋者惟引柞櫟一條而不知

栲櫟渾椹栲而為一誤矣

爾雅云栲杼郭註柞樹鄭註栲柞木今人以為梳本草云椹實堪染用一名杼斗榭櫟皆有斗以櫟為勝所在山谷中皆有圖經云木高二三丈三四月開黃花八九月結實柞櫟也杼也栲也皆椹櫟之通名枕中記曰椹子非果非穀最益人服食無氣而受氣無味而受味消食止痢令人強健本草衍義云櫟葉如栗葉堅而不堪充材風土記云吳越之間名柞為椹古今註云杼實曰椹東海及徐州謂之木蓮其葉始

庶物類纂 卷之五

生食之味辛其椹子八月中成搗以為燭明如胡麻  
燭研以為羹肥如胡麻羹明毛晉陸疏廣要

秦風山有苞櫟草木疏云秦人謂柞櫟為櫟河內人

謂木蓼為櫟此秦詩也宜從其方土之言柞櫟是也

徐州人謂櫟為柞或謂之為柞其子為阜或言阜斗莊子匠石見櫟社樹其大

蔽牛絜之百圍上林賦注應劭曰櫟米木也顏師古

以為木蓼葉辛初生可食本草圖經曰柞櫟也柞也

羅願爾雅翼

櫟曰椽亦曰榭其實作椽曰阜斗曰椽斗然有二種

南土多榭北土多櫟爾雅釋木云櫟其實椽詩秦風

云山有苞櫟竝此也其釋木云榭杼與唐風云集于

苞榭竝是柞木而陸璣誤謂是此耳椽實之類極多

大體皆臬屬也可食有似栗而圓者木小有三四種

周禮邊人所謂榛實是也二三實作一椽正似臬而

小者太小有三四種爾雅所謂榭榭是也注云子如

細臬江東人亦呼為榭臬今俗謂之為茅臬猴臬柯

臬皆其類也或曰榭之實似櫟而小不可食宋鄭夾澹昆蟲

草木

庶物類纂 卷之五 木屬 櫟 九

高誘呂覽注橡阜斗也其狀似栗橡斗子煮食可止  
饑微苦枕中記云橡子非果非穀最益人服食無氣  
而受氣無味而受味消食止痢令人強健明陳懋仁  
庶物異名  
疏

櫟詩云苞栩注柞櫟也其子為阜斗殼可以染阜陸  
璣云徐州人呼為杼爾雅曰櫟其實栲釋曰栲盛實  
之房其實橡也然則柞櫟也杼也栩也皆橡櫟之通  
名也八閩  
通志

橡高可二三丈三四月開花八九月結實名阜斗其

實可以染阜爾雅云櫟其實栲郭璞云栲盛實之房

其實橡也福州  
府志

櫟土人以充薪實曰橡顧况書堂銘曰橡栗裊險猿  
猴相爭許渾詩霜肥橡栗畱山鼠月冷菰蒲散水禽

重修鎮  
江府志

櫟亦不材木然堅勁如石作炭甚堅肇慶  
府志

柞木其材亦美可為宮室用同上

柞周處風土記始寧剡界山多柞木吳越之間名柞  
為樞漢五柞宮即此木紹興  
府志

庶物類集

橡出嶽唐許渾詩霜肥橡粟雷山鼠月冷菰蒲散水

禽同上

柞類櫟其實不同柞華細性堅理膩興化府志

橡似栗而澀新修餘姚縣志

橡斗子即榨樹子莊子狝公養猿朝三暮四即此物

也實可為粉秋末山間人採之水漬一月曬乾其殼

復漬月餘然後磨濾去滓水滓成粉山中有此足稱

佳品或云可愈痢疾天台山方外志

橡樣栩櫟杼栲一物○皆阜物也櫟橄音斛與櫟音歷

相類俱有斗爾雅櫟其實栲槲赤栲白者栲孫炎曰

櫟實橡栲橄也說文無栲橡而有櫟樣栩孫收養韻

讀象上聲栩茅柞櫟橡一物因橡聲而作樣因賦茅

而作杼別機杼也櫟斗為勝曰阜斗又曰橡栗曰杼

斗可染可澄粉食夏統米招杜詩天寒橡櫟隨狝公

一也漁仲以栩杼為柞木而秦風之苞櫟仍是一物

清方以智通雅

栩即柞櫟伐則灌生而葉大可包物也其斗為染阜

材俗名黃栗可為腐夏統米招杜甫食橡皆一物也

庶物類集

木屬

櫟

十一



又或書為楸而後分之楸平聲清皖桐方氏  
物理小識

栲櫟

一名櫟爾雅一名榉樹天台山方外志

俗名骨孺己

無物類纂

木屬 栲櫟

庶  
牝  
類  
每  
一  
五

栲櫟

櫟其實栲爾雅○  
栲音求

有栲彙自裹晉郭璞  
爾雅註

櫟其實栲亦謂之櫟一名阜斗其實作栲音求似栗

毬而小宋鄭夾滌  
爾雅註

櫟子樹本草櫟實櫟歷音木子也葉似栗葉而大開黃

花其實櫟也有栲彙音自裹其殼即櫟斗也櫟實味

苦澀性微温無毒其殼斗可染皂救饑採取子換水

浸煮十五次淘去澀味烝極熟食之厚腸胃肥健人

無物類纂 卷三十五 木屬 栲櫟 二



不饑 明周憲王  
救荒本草

椽、阜斗也。其狀似栗。 漢高誘呂氏春秋解

栲葉似櫟。木皮厚數寸。可為車輻。或謂之栲櫟。許慎

正以栲讀為稷。今人言栲失其聲耳。 唐陸璣毛詩草木鳥獸蟲魚疏

按疏云許慎讀栲為稷。應作稷。讀丘上聲。故與杻叶。

南山有臺亦與杻叶。 明毛晉陸疏廣要

櫟亦不材木。然堅勁如石。作炭甚堅。 肇慶府志

椽斗子即榉樹子。莊子狷公養猿。朝三暮四。即此物

也。實可為粉。秋末山間人採之。水漬一月曬乾。其殼

復漬月餘。然後磨濾去滓。水滲成粉。山中有此足稱

佳品。或云可愈痢疾。 天台山方外志





魚 獸 蟲 魚 疏

柞櫟

柞 櫟 爾雅 ○ 柞 香 羽 切 櫟 省 汝 切

柞 樹 爾雅 郭璞 註

柞 今柞櫟也 徐州人謂櫟為柞 或謂之為柞 其子為

阜 或言阜斗 其殼為汁 可以染阜 今京洛及河內多

言 柞斗 或云橡斗 謂櫟為柞 五方通語也 唐陸璣毛 詩草木鳥

獸 蟲 魚 疏

柞實本作樣 从木 彘聲 今作橡 小爾雅 柞實 廣韻 樂

實 通作象 周禮 掌染注 象斗之屬 染黑 所謂阜物也

燕 勸 願 謀 卷 三 十五

木 屬

柞 櫟

二

庶物類纂 卷三十一

因謂黑色曰皂又可染澹黃色為書殼紙故稱象殼  
色俗名黃象屹斗摯虞入南山饑拾橡實食杜甫客  
秦州采橡象自給故曰饑食樗溪橡梅聖俞亦云野  
糧收橡子狙公賦芋注芋橡子故子美又云天寒橡  
櫟隨狙公然食之令人禿髮山僧制之成粉亦可食

明田藝衡  
雷青日札

柞周處風土記始寧剡界山多柞木吳越之間名柞  
為樞漢五柞宮即此木紹興府志

柞木其材亦美可為宮室用肇慶府志

柞類櫟其實不同柞華細性堅理膩興化府志

栩即柞櫟伐則灌生而葉大可包物也其斗為染皂  
材俗名黃粟可為腐夏統采栲杜甫食橡皆一物也  
又或書為櫛而後分之櫛平聲清皖桐方氏  
物理小識

庶物類纂 卷三十一 木屬 柞櫟 三



庶類集卷之五

大葉櫟

櫟樸心爾雅

榭櫟別名爾雅注晉郭璞

樸櫟一名心某氏曰樸櫟榭櫟也有心能溼江河間

以作柱是樸櫟為木名也故郭云榭櫟別名詩召南

野有死麕云林有樸櫟此作櫟樸文雖別其實一也

或者傳寫誤宋邢昺爾雅疏

櫟樸心俗呼樸樹其樹易大花葉似栗宋鄭夾漈爾雅註

榭若本經不載所出州土今處處山林多有之木高

庶物類纂卷之五

木屬 大葉櫟 二

本草綱目卷之五十五

文餘若即葉也與櫟相類亦有斗但小不中用耳不

拘時採其葉并皮用本草圖經

櫟若亦有斗但不及櫟木雖堅而不甚充材葉微炙

炒槐花減櫟葉之半同為末米飲調服治初得腸風

及血痔熱多者尤佳亦堪為炭但不及櫟木宋冠宗

義行

櫟橄猶獻穀也栗子綻縣有顛慄之象故謂之栗櫟

葉搖動有獻穀之態故曰櫟橄也櫟橄者婆娑蓬然

之貌其樹偃蹇其葉芴芴故也俗稱衣物不整者為

櫟橄本此其實木彊故俗謂之櫟檀子史言武后挂

赦書于櫟樹人遂呼為金雞樹云明李東壁本草綱目

櫟有二種一種叢生小者名枹音孚見爾雅一種高者

名大葉櫟樹葉俱似栗長大粗厚冬月凋落三四月

開花亦如栗八九月結實似橡子而稍短小其蒂亦

有斗其實僵澀味惡荒歲人亦食之其木理粗不及

橡木所謂檣櫟之材者指此上同

櫟與櫟類實名象斗一種小而叢生土人呼為字落

葉以之充薪重修江府志

孫道相先生曰安丘石門村多生榭樹林是土人之  
野蠶厥按野蠶成繭昔人謂之上瑞乃今東齊山谷  
在在有之與家蠶等蠶月撫種出蟻蠕蠕然即散置  
榭樹上榭葉初生猗猗不異桑柔聽其眠食食盡即  
枝枝相換樹樹相移皆人力爲之彌山徧谷一望蠶  
叢其蠶壯大亦生而習野日日處風日中雨中不爲  
罷然亦時傷水曠畏雀啄野人飼蠶必架廬林下手  
把長竿逐樹按行爲之察陰陽禦鳥鼠其稔也與家  
蠶相後先然其穰者春夏及秋歲凡三熟也作繭大

者三寸來許非黃非白色近乎土淺則黃壤深則赤  
埴墳如果羸繁實離離綴木葉間又或如雄鷄殼也  
食榭名榭食椿名椿食椒名椒繭如蠶名縑如繭名  
又其蠶之小者作繭堅如石大才如指上螺在深谷  
叢條間不關人力樵牧過之載橐而歸無所名之曰  
山繭也其縑備五善焉色不加染黯而有章一也浣  
濯雖敝不易色二也日御之上者十歲而不敗三也  
與韋衣處不已華與紉穀處不已野四也出門不  
服吉凶可從焉五也

清周亮工因  
樹屋書影

庶物類纂  
木屬  
卷之三十六  
目次

庶物類纂木屬卷之三十六目次

楮總

甜楮

苦楮

柯

庶物類纂

卷之三十六

木屬目次

博物類纂 卷三十六

木屬

楮

楮

本草綱目 卷之三十六 木部 楮



本草綱目卷之三十六

楮

楮音諸子小於椽子味苦澀止洩痢破血食之不飢令

健行木皮葉煮取汁與產婦飲之止血皮樹如栗冬

月不凋生江南子能除惡血止渴也唐陳藏器本草拾遺

楮子處處山谷有之其木大者數抱高二三丈葉長

大如栗葉稍尖而厚堅光澤鋸齒峭利凌冬不凋三

四月開白花成穗如栗花結實大如榭子外有小苞

霜後苞裂子墜子圓褐而有尖大如菩提子內仁如

杏仁生食苦澀煮炒乃帶甘亦可磨粉甜楮子粒小

本草綱目卷之三十六 木屬 楮 二

本草綱目 卷三十六

木文細白俗名麩櫛苦櫛子粒大木文粗赤俗名血  
櫛其色黑者名鐵櫛案山海經云前山有木其名曰  
櫛郭璞註曰櫛子似柞子可食冬月采之木作屋柱  
棺材難腐也明李東壁  
本草綱目

櫛山海經曰前山有木其名曰櫛郭璞註曰櫛子似  
柞子可食冬月采  
之木作屋柱棺材難腐也○汪穎食物本草曰櫛子  
生江南皮樹如栗冬月不凋子小於櫛子櫛子有苦  
甜二種治作粉食饌食褐色甚佳○李時珍曰櫛子  
處處山谷有之其木大者數抱高二三丈葉長大如  
栗葉稍尖而厚堅光澤鋸齒峭小凌冬不凋三四月  
開白花成穗如栗花結實大如櫛子外有小苞霜後  
苞裂子內子圓褐而有尖大如菩提子內仁如杏仁  
生食苦澀煮炒乃帶甘亦可磨粉甜櫛子粒小木文

細白俗名麩櫛苦櫛子粒大木粗赤文俗名血  
櫛其色黑者名鐵櫛○明徐光啓農政全書

李時珍曰甜櫛子亦可產蠟同上

玄扈先生曰余所聞樹可放蠟者數種以意度之當  
不止此即如飼蠶之樹世人皆知有桑柘矣而東萊  
人育山繭者於樹無所不用獨楊樹否耳諸樹中獨  
椒繭最上桑柘次之椿次之檇為下由此言之事理  
無窮聞見之外遺佚甚多坐井自拘何為哉同上  
櫛子形小于椽子樹生江南葉冬不凋明錢允治  
食物本草  
櫛似柞葉冬不落上林賦沙棠櫛櫛郭璞曰櫛似米

本草綱目 卷三十六 木屬 櫛 三

庶物類纂 卷三十六

柔宋羅願爾雅翼

吾州制字柳以多木名其木櫛為貴其為樹四時無改柯易葉質性堅於檜柏伐而材之雖百歲雨淋日炙弗蠹弗腐作屋置以當風雨之衝棺在土與石柳敵此櫛之所以為貴也櫛樹歲結子其子小者小於榛味如之大者大如榛而味苦土人取為果實謂小實者為圓珠櫛大者苦珠櫛以此分二種其材固無異也按山海經前山其木多葦音注謂其樹作子可食冬夏恒青作柱難腐葦豈即此櫛邪明何孟春餘冬序錄

櫛似柞而子可食作屋柱不腐八閩通志

櫛郭璞云此木似柞子可食為柱不腐福州府志

櫛有甜苦二種萬曆杭州府志

櫛子此有三種一種曰石櫛其樹高大葉似栗葉差小兩旁無刺面光而背微帶黃色有毛子房生有刺秋冬間房罅而子出亦似栗子差形圓而尖土人採之以充菓品一種曰苦櫛樹極有高大者其葉亦似栗葉而尤小兩旁微有刺背面皆光澤其本甚堅而重土人取剉為柱礎以代石經久不腐白蟻亦不之

庶物類纂

卷三十六

木屬

櫛

四

庶物類集 卷三十六

食江西人構大厦多用以為棟梁其子亦房生有利  
形似石櫛子而小味苦土人呼為苦櫛以蒸熟料理  
作糕亦可食又其嫩葉及皮味皆苦土人取曬乾煮  
水以代茗飲謂其性涼可解熱也一種曰甜櫛樹亦  
高大葉似槐葉尖長而硬厚木理甚直可破為椽不  
堪作器皿其子亦房生微有利形如苦櫛而尤小其  
味甜可食土人亦或以充果品磨之而煮為凍尤佳  
邵武府志  
櫛越中在在有之土人多用以作器紹興府志

櫛材理堅重可以為器產于高燥地常熟縣志  
櫛材理堅重可器土產尤美江重修靖縣志  
櫛小葉似茶木色似柵少黑結實小狀似栗抹蠟白  
裏味有甘苦二種可作腐食材最堅白蟻不能齧中履  
曰江北呼圓櫛金陵人呼為  
櫛○清阮桐方氏物理小識

庶物類集 卷三十六 木屬 櫛 五

庶類集卷三十六

甜櫛

一名鈎栗本草拾遺 一名巢鈎子同上 一名麩櫛草本

綱目 一名圓珠櫛餘冬序錄 一名圓櫛物理識 一名椐

同上

庶類集卷三十六

木屬 甜櫛 一

唐物類集

甜櫛

鉤栗味甘平主不饑厚腸胃令人肥健子似栗而圓  
 小生江南山谷樹大數圍冬月不凋一名巢鉤子又  
 有雀子小圓黑味甘久食不饑生高山唐陳藏器本草拾遺  
 瑞曰鉤栗即甜櫛子明李東壁本草綱目  
 鉤櫛二字方音相近其狀如櫛當作鉤櫛同上  
 甜櫛子粒小木文細白俗名麩櫛同上  
 櫛樹歲結子其子小者小於榛味如之大者大如榛  
 而味苦土人取為果實謂小實者為圓珠櫛大者苦

本草綱目卷三十六

珠櫛以此分二種其材固無異也明何孟春餘冬序錄

甜櫛樹亦高大葉似槐葉尖長而硬厚木理甚直可

破為椽不堪作器皿其子亦房生微有刺形如苦櫛

而尤小其味甜可食土人亦或以充果品磨之而煮

為凍尤佳邵武府志

櫛小葉似茶木色似枏少黑結實小狀似栗椹自

裹味有甘苦二種可作腐食材最堅白蟻不能齧中履

曰江北呼圓櫛金陵人呼為櫛○清皖桐方氏物理小識

苦櫛

一名血櫛本草綱目一名苦珠櫛餘冬序錄

俗名挨革各施

苦楮

苦楮子粒大木文粗赤俗名血楮明李東璧本草綱目

楮樹歲結子其子小者小於榛味如之大者大如榛

而味苦土人取為果實謂小實者為圓珠楮大者苦

珠楮以此分二種其材固無異也明何孟春餘冬序錄

苦楮樹極有高大者其葉亦似栗葉而尤小兩旁微

有刺背面皆光澤其木甚堅而重土人取斲為柱礎

以代石經久不腐白蟻亦不之食江西人構木厦多

用以為棟梁其子亦房生有刺形似石楮子而小味



苦土人呼為苦楸以蒸熟料理作糕亦可食又其嫩  
葉及皮味皆苦土人取曬乾煮水以代茗飲謂其性  
凉可解熱也  
邵武府志

柯

一名木奴本草拾遺一名椎八閩通志一名錐同上  
一名珠樹泉州府志一名科樹閩書  
一名苦楸同上一名苦楸同上

俗名施異

本草綱目卷三十六

柯

柯樹皮味辛平有小毒主大腹水病取白皮作煎令可丸如梧桐子大平旦三丸須臾又一丸一名木奴南人用作大舩者也唐陳藏器本草拾遺

柯樹海藥云謹按廣志云生廣南山谷臨海志云是木奴樹主乳氣採皮以水煮去滓復煉候凝結丸得為度每朝空心飲下三丸浮氣水腫竝從小便出故

波斯家用為舩舫也宋唐慎微證類本草

惟生山谷間似栗而絕小諸邑皆有之八閩通志

椎曾師建記作錐以其末銳於錐郡北一里許有地

曰椎林今山谷中多有之饑歲貧民多賴以濟同上

株子其類不一銀株大如粟米株巖株已上味俱甜

苦株味甜苦同上

苦楸即株木也子名苦榛可食同上

柯木修直可作船及漿子名榛子同上

椎似榛而小荒年特蕃福州府志

椎榛之類即柯子也歲饑乃熟通志曰似粟而絕小

汀州府志

椎柯樹實江東人呼柯樹為珠樹因呼其子為珠子

閩人呼為椎者聲相近而譌耳山縣出多泉州府志

椎榛之類即柯子也歲饑乃熟通志曰似粟而絕小

漳州府志

柯臨海志曰是木奴樹南人用作船舫同上

椎科子也曾師建記作錐謂之末銳於錐此擬其形

似末言宋志以錐作椎蓋從木也按椎古槌字戰國

策史記凡槌皆作椎獨新編百音篇海云椎直近切

樹名似山桂不言其有子也今按此果是科樹所生

馬物類集 卷三十六

江東人呼科樹為株樹因呼其子為珠子閩人呼為  
雖者聲相近矣興化郡北一里許有地曰椎林荒歲  
特蕃貧民賴之書 閩

椎此果是柯樹所生江東人呼柯樹為株樹因呼其  
子為株泉州志作珠子閩人呼為椎者聲相近而訛  
耳此果聞凶年其實最蕃興化 府志

椎榛之類即柯子也歲饑乃熟聞志曰似栗而絕小  
海澄 縣志

柯臨海志曰是木奴樹南人用作船舷上 同

株材堪作室江南多尚之蓋江南下溼多蟻株味辣

蟻不能近九江 府志

苦株實小而圓味苦澀亦可作粉上 同

錐子有槌樹力木柯木亦有之皆如豆大肉白少味

肇慶 府志

柯木甚多子亦可食有四等沙柯為上赤柯次之風

柯絹帶又次之惟反瓦柯久之槁曲不可用上 同

椎榛之類即科子也寧洋 縣志

馬勿頁集 卷三十六 木屬 柯 四

唐  
物  
類  
集  
卷  
三  
六

